庫全書

子部

內傳帝斬出尤因建宫室 白虎通黄帝作宫室以避 巢及其外也木處而頭乃編權而盧緝藿而扉 JA 10 ... 1: 1.1. 欽定四庫全書 下字以待風雨葢取諸大壯 格致鏡原卷十九 |繋||蘇幹上古穴居而野處後世聖人易之以宮室上 宫室類 總 格致鏡原 古史考有果氏構木為 大學士陳元龍撰 黄帝

為樂也 「食けて」をといって 寒暑 風寒上足以待霜雪牆高足以別男女故以便生不以 傷民故聖人作為宫室之法高足以避潤濕中足以樂 室築牆決屋令人皆知去嚴穴各有家室此其始也 風俗通室其外也宫其内也 墨子上古之人未知為宫室就陵而居處下潤 世本竞使禹作宫室 **曲禮君子將營官室宗廟為先廐庫為次** 初學記淮南子云舜作 爾雅宫室始成而祭之

間構水精宮尤極珍怪皆出自水府 西京雜記武帝 時德澤和洽嵩茂大以為宮柱名曰嵩宮 述異記闔 記儒有一畝之宫 官處都邑之中也又方也為官必以維採方正也 釋名官等也屋見垣上等隆然也 來尊者以為帝號下乃避之 東方朔傅殷作九市之宫而諸侯畔 宫 初學記自古士庶通謂之官漢以 管子黄帝有合宫以聽 蘇氏演義宫中也 大戴禮周

飲定四庫全書 / 時西胡國有化人來王執化人之祛騰而上天暨化人 官相去各五十里宫室皆以水精為柱 竹為宮天子居中 拾遗記漢成帝於太液池傍起宵 遊宫以漆為柱鋪黑綿之幕 魏孝大素國城中有五 之四寶宫 漢禮樂志天子自竹宫建拜注韋昭曰以 為上實妹雜實按風寶屏風列實帳設於桂宮時人謂 之宫構以金銀絡以珠玉出雲雨之上寶為清都紫微 神典經東方有官青石為牆高三仞左右闕高百 表す 土ま 九 列子周榜王

題曰天地中女之宫北方有宫以黑石為牆題曰天地 地少女之宫西北方有宫以金為牆門有金榜以銀題 西方有宫白石為牆五色黃門有金榜而銀鏤題曰天 丈畫以五色門有銀榜以青石鏤題曰天地長男之宫 中男之宫東北有宫以黃石為牆以黃碧鏤題曰天地 有宫題曰天地長女之宫 十洲記方丈山上有琉璃 少男之宫西南有宫以黄銅為牆題曰地皇之宫東南 曰天皇之宫南方有宫以赤石為牆赤銅為門有銀榜

告 **日殿大堂也商周以前其名不載案史記泰始皇本紀** 之音光宫西華君居之七瑤宫九元君居之返香宫元 始日作前殿上可以坐萬人下可以建五丈旗 的君居之紫曜宫司命君居之金華宫黃房君居之 演義殿殿也取衆屋擁從如軍之殿 真經圓華宮黃老之所處 上清經納臺宮南朱君居 又青丘山上有紫宫天真仙女多遊於此 大洞 殿附行殿 初學記倉頡篇

欽定匹庫全書

殿周曰路寝漢曰前殿 始于漢 秦始皇作阿房于渭南先作前殿是秦始稱殿也漢因 ここし ここここ 師古注古者室屋高大則通呼為殿耳非止天子宫中 之乃有涵德明光等殿名益稱殿始於秦而殿之名則 紀原商君書有言天子之殿則是秦孝公而來已云然 漢宫閣名蕭何曹參韓信並有殿 事物原始周及春秋稱朝於路寝未聞稱殿也至 黃帝經序帝見岐伯于靈殿 子文意了 漢霍光傅鴞數鳴殿前樹 三輔黃圖未央 三輔黃圖前

雅然也 雲模於甘泉紫殿世謂三雲殿 成帝時神光降于紫殿 璣為薰箔處處明月珠金配玉堵畫夜光明 宫因龍首山以制前殿至孝武以木崩為梦様文否為 墀左城右平黄金為壁帶間以和氏珍玉風至其聲玲 圖漢武帝于甘泉宫起紫殿雕文刻鏤黼黻以玉飾之 梁柱金鋪玉户華榱璧璫雕楹玉码重軒鏤檻青瑣丹 三春記未央宫漸臺西有明光殿皆金玉珠 西京雜記成帝該雲帳雲幄 西京雜記趙飛热女 三輔黄

金厂巴尼州

弟居昭陽殿中庭形朱而殿上丹漆砌皆銅沓黄金塗! 珠極營飾之美 香塗粉壁玉砌金階樑柱楣棟之間周以明鏡間以實 蛟龍負山於井上又有金獅子在龍下歷代殿名沿革 **山池殿上作漆地九曲從陶光園引水入渠煬帝于此** 白玉指壁帶往往為黃金红含藍田璧明珠翠羽飾之 シスプ・コ ケス・ 戴延之西征記太極殿上有金井欄金博山金轆 惟此殿自晉以下不易名 廣博物志流杯殿兩邊有亭子以間 各致境原 北史秦王俊為水殿

詰曲七轉由丹鳳門止壁宛然龍尾下垂於地 露按唐志天子御正殿則郎舍人分左右立有命則 為曲水之飲 擊廣決疑要注凡大殿乃有陸堂則有階無陸也左城 以登謂受此陛以上 **右平者以文塼相亞次專者為階級也九錫之禮納陸** 風俗通殿堂象東井形刻作荷養水物所以厭火 薛綜西京賦注天子殿高九尺階九齒各為九級 五代史南漢劉龔聚南海珍寶以為珠 泊宅編唐含元殿前龍尾道凡 演繁

金にアロドルインラ

費串負柱融滚霞沙為稅怒目張牙有欲動之狀及滑 香為之螭頭向外口中街珠下垂珠皆五色用綵金絲 唐殿庭間多種花柳我宋惟植槐楸鬱然有嚴毅氣象 施之對柱及殿四角隨階斜出其長七尺 李誠營造法式有殿陸螭首圖繪載極詳其言曰螭首 陛以聽退而書之若伏在紫宸內閣則夾香案分立殿 下直第二螭首和墨濡筆皆即均處時號螭頭觀宗朝 掖庭記元祖肇建內殿制度精巧題頭刻螭形以檀 7 格致鏡原 朱氏實錄

艦與指皆白玉石為之太陽東升殿中燦爛塔更飛輝 羽林之士負之以趨帝於輦し 榜務窮一時之麗殿上設水晶簾指琢龜文繞以曲檻 玉清宫中殿名 琉璃與天一色硃砂塗壁紅重胭脂形榛華棁金桶 义有紫檀殿以紫檀香木為之 拾遺記漢成帝造飛行殿方一丈如今之輦 上清經紫微玄珠殿中央黄老君居 昼真隱訣家陽殿乃

風雷之聲言其行疾也名曰雲雷宫 者謂之阿閣 扈閣 STUTO : C TITIO 洞冥記招仙閣上翠羽麟毫為簾青琉璃為扇懸黎火 觀風行殿上容衛者數百人離合為之下施輪軸推移 帝王世紀黄帝時鳳凰巢於阿閣 倏忽若有神功 文選注周書曰明堂咸有四阿然則閣有四阿 閣 三輔故事素二世起雲閣欲與山齊 格致鈍原 春秋緯黄帝坐於 北史宇文愷造

樓言牖户諸射犯樓樓然也 香閣 以龔孔二妃居之 檀香木為之臨春後主自居之結綺張麗華居之望春 檀香為欄檻以麝香乳香節土和為泥飾閣壁謂之四 全サレントろこ 樓 說文樓重屋也 南史陳後主起臨春結綺望春三閣皆以沈 天寶遺事楊國忠當用沈香為閣 爾雅俠而修曲曰樓 初學記案漢書武帝

園官垣為被道上有樓從西南入益樓之始也 帶上黃帝朋堂圖圖中有一殿四面無壁以茅葢通水 四角或八角張衡西京賦云井幹疊而百層即為此樓 而高為樓岩井幹之形也井幹者井上木欄也其形或 仙人好樓居 方士言黄帝為五城十二樓以候神人又濟南人公玉 漢郊祀志立井幹樓高五十丈師古注井幹樓積木 吳越春秋范蠡為勾踐立飛翼樓以象天門 唐書稱陀洹俗喜樓居謂為欄干 格致鏡原

次之四車全首

謂輕重力偏故也 帝登臺懼其勢危別以大材扶持之樓即便頹壞論 後造構乃無錙銖相負揭臺雖高峻恒隨風搖動魏 相近本一物也 巢所謂巢車者亦於兵車之上為樓以望敵也熊巣聲 水 以皇者耳樓一名熊故謂美麗之樓為麗熊熊亦呼為 世說凌雲樓樓觀極精巧先稱平泉材輕重當宜然 漢書陳勝傅熊門中師古注熊門謂門上為高樓 莊子注麗熊戰樓也謂華麗而焦燒 輿地志俗傳萬歲樓飛向江外 眀

次定四車全書 -私景處其上弟子居其中實客至其下與物遂絕唯 鐵鎖麼之方已 白玉鈎帶 城觀七月七日官人多登之穿針世謂之穿針樓 **五楹棟皆大非雜寶四隅置銅槽下有金龍口激水仰** 六國春秋石虎建玳瑁樓純用金銀裝飾懸五色珠簾 樓七月七夕宫女出后衣曝之 深書陶弘景于句容之句曲山更築三層樓 異域志西域尼婆羅宫中建七重樓覆銅 漢武故事太液池西有漢武帝曝衣 格致鏡原 輿地志齊武帝起層

帝不巧何不純用琉璃 鐘為填所揜散聲不甚揚亦是一病 在東宫時造元和中廣宣上人住此上有詩號紅樓集 家僮得至其所 成不用一木而欄桶暈飛雖木工之良者不能加也但 陸将入蜀記采訪殿前有鐘樓高十許丈三層累填所 史齊武帝與光樓上施青漆世人謂之青樓後主曰武 齊書置鐘于景陽樓上令官人聞鐘聲早起粧飾 東觀漢記公孫述造十層赤樓 酉陽雜俎安國寺紅樓春宗 北史李崇為亥

綵樓 州收州多盗乃村置一樓樓 拜謂之乞巧里卷與妓館往往列之門首爭以侈靡 樂花瓜酒炙筆研針線或兒童裁詩女郎呈巧焚香列 京師七夕貴家多結終樓於庭謂之乞巧樓鋪陳磨喝 數十人陳花果酒炙該坐具以祀牛女二星 遗事唐天寶宫中七夕以錦綵結成樓殿高百丈可容 建燈樓一百五十尺懸以珠玉風至經然成韻 歲華記麗巧匠毛順上元為玄宗於上陽官庭 鼓以警盗賊 夢華錄 天實

尚 金定四库全是 起屋名樹月令仲夏云可以處臺榭謂此也 臺榭也足以辟燥濕而已矣 因立臺柳無屋曰臺有屋曰榭 土為之所以觀望 老子九層之臺起於累土 臺 邢疏積土四方而高者名臺一名閣李巡云積 釋名臺持也言築土堅高能自勝 黄帝内傅帝既斬虫尤 爾雅邢疏臺上有木 吕覽先聖王之作 左傅注

山有軒轅臺射者不敢西向畏軒轅之臺 使 古諸臺 香閣登高下砌臺林間踏青去席上寄笺來即知唐以 目明 臺也王侯家作以為臨觀之戲唐張仲素詩云騁望臨 觀臺臺上構屋可以遠觀者也 ことこくことして 來有之王審琦都尉家其子承祐幼時其父戲補砌臺 白澤圖故臺屋之精名兩貴狀如赤狗呼之使人 三墳伏義有數教之臺 各支克原 談苑砂臺即全探探 山海經西王母之 吕氏春秋

遺記靈王起民胎之臺亦名宣胎得考谷陰生之樹 穆天子傅天子遊於河濟盛君獻女為造重壁臺 有娀氏有二供女為九成臺飲食必以鼓 歸藏皆者 以觀鳥獸魚驚諸侯卑不得觀天文無臺但有時臺園 夏后啟作為璠臺於水之陽 左傳/夏后啟有鈞臺之 天子有三臺靈臺以觀天文時臺以觀四時施化園臺 玉海夏為清臺商為神臺周為靈臺 五經要義 天問璜臺十成誰所極為 七命璇臺九重

多好匹左全書

· 史宅四車全書 - 1 魏文帝築臺高四十大列燭置臺下名曰燭臺遠望如 陛咸以玉為之鑄銅鳳凰高五丈飾以黄金 漢武故事武帝漸臺高三十大南有壁門三層內殿階 中人十家之産吾奉先帝宫室常恐羞之何以臺為 樹而臺用足馬大幹為桁棟小枝為杨梅其木有龍蛇 木揮斤斧於空中子時起工午時已成春人謂之子 午 百獸之形 漢書文帝嘗欲作露臺名工計之直百金曰百金 拾遺記秦始皇築臺有巧工二人勝虚緣 格致鈍原 拾遺記

立臺皆因城為臺中央名銅雀北則水井又有西臺高 六十七丈上作銅鳳窓皆銅籠疏雲母幌日之初出乃 璃臺及鴟尾悉以琉璃為之 結珠為驚垂五色玉佩上有銅龍腹空盛數百斛酒使 列星之墜地以處美人薛靈芸馬 人於樓上緊酒風至望之如雲霧名曰黏雨臺使 郡國志朔方太平城後魏穆帝治也太極殿抗 拾遺記石虎於大武殿前起樓高四十丈 杜陽編唐實歷三年 **鄴中記鄴城西北** 許步晉世喪亂乞活憑居削墮故基遂成二層上基猶 侵逼與家人無異貰于民無以歸之乃上臺以避之周 王所築迴道似蠡故名 帝王世紀周根王為諸侯所 登進頂上三畝里升拜號為朝臺 述征記蠡臺梁奏 廣州記尉伦立臺以朝漢室圓基千步直峭百大螺道 冶冬不續衣夏無汗體上琢玉芙蓉為二女歌舞臺 東貢舞女二人一曰飛熊一曰輕鳳修眉點首關氣融 人名其臺曰逃债臺 水經注陳留縣有吹臺方一

欠い可でしてす

格致鏡原

星漢 寶臺在上清境王晨道君所居 有散華臺是四斗七晨道君所治 陶私景 真語含真 有臺甚大而唯有一柱衆梁皆共此柱 上有六層玉臺太上真人集晏之所也 周迴盡是白石柱自然石覆如屋形也 有金臺出水百丈結構巧麗窮盡神工橫光嚴渚竦耀 方四五十步高一丈餘世謂之乞活臺 鄧明徳南康記零都君山上有玉臺方廣數文 **学君内傅玉清天中** 博物志江陵 幽明錄海山 登真隱缺七 金根經天闕

としてせた

朝至此則思其所關故謂之闕其上皆丹堊其下皆畫 表宫門也其上可居登之則可遠觀故謂之觀人臣将 釋名關關也在門兩傍中央關然為道也 臺處士之得道者居之蕭関堂童男之得道者居之 L豹古今注關者觀也古每門樹兩觀於其前所以 其形闕故名亦取不自滿意與狐寡不較義同 王應電同文備考王侯皐門崇左右為兩觀空 闙 附觀 各致造

今注蒼龍闕畫蒼龍白虎闕畫白虎玄武闕畫玄武朱 緒晉書孫氏無闕大晉南都亦不服立門闕遂廢 植中不為門門在兩傍中央關然為道以其縣法謂之 者宫庭為二臺於門外作樓觀於上上圓下方兩觀雙 雲氣仙靈奇禽怪獸以陷示萬民馬 之冀闕冀記也闕中央關然也以其使民觀之謂之觀 **黎魏象法象也魏其狀巍然高大也以其記列教令謂** 雙植謂之两觀名雖殊其實一也猶今午門然 周祈名義考古 城榮

欽定匹庫全書

靻 雀闕上有朱雀二枚 十餘丈師古注三輔故事云其闕園上有銅鳳凰 逸注言河伯所居以紫貝作關也 記蓬萊方丈瀛洲此三神山也皆以黄金白銀為宮闕 ここうこここう 子賦上 釋名觀者於上觀望也 好樓居於是上令長安作飛庶桂觀甘泉則作延 洲記崑崙山有水精闕 一觚稜而樓拿爵注觚稜闕角金爵鳳也 漢郊祀志建章官東鳳闕高 格致鏡原 楚辭紫貝闕兮珠宫王 史記公孫卿謂武帝 五

克之 堂室 多け四屋かり 此凡六人而已 虚之為堂半已後實之為室 釋名堂補堂堂高顯貌也 屋又明也言明禮義之所 三國遺錄魏文帝為閱書觀讀書千卷者許登 墨子堯舜堂高三尺 堂 附朋堂 魏志明帝置崇文觀徵善屬文者以 演義堂當也當正向陽之 玉海古者為堂自半已前 禮記天子之堂九尺諸 春秋因事軒轅氏始有

/ Children Ton Co (Ta) 55 名黃堂 索苑詳註鯉堂在寧海州石落村劉氏於海 為假君之殿也後太守居之以數失火故塗以雌黃遂 堂師古汪以瑶飾堂 彩畫之堂室 漢食債志左塾石塾注門側之堂曰塾 武故事玉堂去地十二大基皆用玉 雉公侯七雉子男五雉 侯七尺大夫五尺士三尺 尚書大傅天子之堂高九 通俗文客堂曰房 格致鏡原 郡國志難陂之側即春申君子 漢書注甲觀畫堂宫殿中通有 漢書玉堂在太液池南 漢禮樂志眺瑤

毺 記崑崙山有光碧之堂西王母所居 **衢造大屋謂之局堂子弟畫夜在此讀書習射** 有温室日春熙堂以椒塗壁被之文編規地以罽實雅 事王元寶都中巨豪也于宅中置一禮賢堂以沈檀為 濱得文魚取其骨構此堂 軒檻以硫硅發地面以錦文石為柱礎 别創一堂製度藥山有却月之形名偃月堂 唐書高麗俗愛書籍至於衛門厮養之家各有街 傅信記季林甫於正堂後 元氏掖庭記 開元遺

金ラセト

人・コーラー

卷十九

CONTOUR LITTE 禮明堂凡有九室一室而有四户八牖總三十六户七 朋堂 居 玄堂中曰太廟亦曰太室左為左个右為右个 大戴 三尺門方十六尺東曰青陽南曰明堂西曰總章北曰 圖 明堂者布政之宫周治五室東為木室南為火室 西 為金室北為水室土室在中泰為九室十二階各有所 十二牖以茅葢屋 白虎通朋堂上圆法天下方法地 周書明堂方一百一十二尺室中方六十尺牖高 周禮夏后氏世室殷人重屋周人明堂 格致鏡原 三禮

布政之宫上堂為祭天之所人神不雜禮亦有之其高 虚則堂議明堂在國門之外一堂九室四門八階 五室重屋上圓下方既體有則象又事多故實下室備 輔黃圖明堂有十二室法十二月 月三十六户法三十六雨七十二牖法七十二風 下廣袤之規几筵丈尺之制則並隨時立法因事制宜 **總象八風四闥法四時九室法九州十二坐法十** 通典總章三年具明堂規制下的其明堂院每面三 乳六帖魏徵請為

金にせたとう

清陽玉紫覆之 色堂周迴十二門二十四窓堂心八柱外置四輔上 風俗通亭民所安定也漢家因秦大率十里一亭亭留 也行旅宿食之所館也亦平也民有訟諍吏留辨處勿 百六十步當中置堂院四隅各置重樓其四塘各依方 亭 釋名亭者停也言道路所舍人之所停集也

2 2.10 2 Jaly

格致鏡原

失其正也

事物紀原按秦制十里一亭則亭名始于

夜名對子亭官人以蠟液濡紙繼之 宗坐沈香子亭謂以沈香為子亭柳公權為翰林文宗 傅寄居丘亭注丘空也 往舍都亭注所治都之亭 陽二十四街街一亭十二城門門一亭 樓立亭于上 行書舍謂傅送文書所止處如今之驛館 白六帖五里一短亭十里一長亭 正字通子亭謂別立小亭也李白傳玄 張衡西京賦旗亭五里注市 漢黃霸傳郵亭鄉官注郵 國語量有萬望 司馬相如傅 漢官典職洛 漢息夫躬

金ケセたノニ

亭即周禮路室之遺事也 趙明誠金石録政民陽城 Candon Lynno 堂基十餘處謂曰堯故亭相傳充南巡登此山故亭即 古諸亭 王韶之始興記克山下有平陵陵上有古大 鳥鳥啞啞引亏射洞右腋陛下壽萬年臣為二千石射 帝起居注帝東巡過亭障有烏飛鳴乘與上亭長祝曰 中漢街彈碑云周名翻漢名街彈今申明亭也 注寓望今之亭也 事物紀原今二十里馬鋪有歇馬 中之帝賜錢百萬令天下亭障皆畫鳥 格致鏡原 漢明

其行宫 一黃荷池宴但張葢設屏展於烈日中董宋臣點會意不 太平坊宅數日不能遍宅內有自雨亭從簷上飛流四 全にててたって 有此半年之間勢民動衆如此宋臣曰此梅亭即前之 注當夏處之凜若高秋 天中記宋理宗時禁苑漸頹 有一亭上意不樂論宋臣曰前造荷亭朕不為較今後 日而成一亭于池傍再宴上大喜未幾冬月賞梅園又 三故立萬歲亭 封氏見聞記天寶中御史大夫王鉄 漢書武帝幸缑氏登太室聞山呼萬歲聲者

魚其中剪絲為白蘋紅藍等花置水上壁內置珊瑚 移爾於第中起水晶亭亭四壁水晶鏤空貯水養五色 荷亭也上問其故對日此乃拆卸指疊之亭上愈稱賞 8 / C. J C ... / L L .. 南湖園作駕霄亭於四古松間以巨鐵經懸之空半當 所未有也 天中記張鐵字功南張循王諸孫也當于 杆鑲以八寶奇石紅白掩映光彩玲瓏前代無有也 風月清夜與客梯登之飄搖雲表 解酲語元時雅克特 苔溪漁隱東坡守汝陰作擇勝亭以惟幕為之世 格致鏡原

總論 大夫以下之家 高大務經人耳行露亭用斗百餘數倍常數而朱實亭 金罗巴尼人言 日館凡事之賓客館為客舍遊旅名候館私館者自即 候館有積注以待朝聘之官也 後山叢談陝之守居多古屋下柱不過九尺唐制不為 不用一斗亦一奇也 館附含 説文館客舍也 驛 **國語敬國賓至司里授館** 卷十九 周禮五十里有市市有候館 開元文字待實之舍 周禮司

采緑岩而被階引渠水以統砌 置客館二十餘區以待學士 古諸館 冠凡諸侯入王則逆勞于畿及郊勞視館致館 為作少嬪館 次曰接士館以待國士 之士其一曰欽賢館以待大賢次曰翹材館以待大才 叔孫所館者雖一] 西京雜記公孫私為軍相管客館以招天下 拾遗記漢靈帝於西園起裸遊館十間 日心革其牆屋去之如始至 各致鏡原 西京雜記河間王作日華宫 飛熊外傳婕好益貴帝 南史梁天監四年詔 主 左傅

置之舍也 漢食倘志里區謁舍注謁舍今之客舍也 者人所止息前人已去後人後來轉相傳也一云謂傳 言所歸至也 書荆南五花館待客之上地也 開五館以五經教授 金片匹尾全書 有桃林館是則餞行送歸之所萃也 方館以待四方使客各掌其方國及互市等 漢書注郡國朝宿之舍在京師者率名邸即至也 漢酈食其傳沛公至高陽傳舍注傳舍 唐六典注隋于建國門外置四 卷十九 荆州圖副襄陽縣南 南部新

期置馬代馳取疾也以車曰傅以馬曰駒 驛 牛廬 通典唐制三十里置一 通謂之館驛 事也漢自鄭莊置驛以召賔客故後世亭傅有驛名 期注别驛馬也 魏志胡昭傅注隱者焦先作圓舎形如蝸牛謂之蝸 事物紀原今六十里有驛驛有儀給即候館之遺 孟子注置驛也郵射也即音 漢書注如淳云律四馬高足為置 驛其非通途大路則曰館由是 左傅楚子 六書故

とうこうら とれら

格致鏡原

き

總論 屋不露明上安油瓦以竊微光又或四隣局塞則半空 覆屋 傳四馬中足為馳傳四馬下足為乘傳一馬二馬為乾 傳急者乘一乘傳師古曰傳者若今之驛古者以車謂 架版壘垛箱筥分寝兒女故有假天假地之稱 之傳車其後又單置馬謂之驛騎 皇甫浸傅屋漏曰蛟漏雀穿 釋名屋與也其中温與也 屋 物原伏羲始以茨 清與錄貧者以

金厂正厂三言

年易一学謂之屋龍更衣或時雨致漏則以油幄承梁 鳴俄見四簷飛出懸波如瀑布激氣成凉風 **陶聚材於楊度其費為估不取贏利人能為屋者受材** 坐於其下初不愁嘆 **腎廬山記饒子柳隱廬山康王谷無五屋代以茅茨每** 民不知為瓦屋草茨竹椽久燥則戛而焚丹名工教為 欠うりきんで 流上通於屋宇機制巧客人莫之知觀者唯聞屋上泉 五于官免半賦 銷夏蘇拂絲國威暑之節乃引水潛 乳六帖韋丹為江南觀察使始 格致鏡原 ==

庵屋之類故衛士之屋謂之區 皇上注 屋無壁曰皇 削大就小倒植之如是者凶 室寒注实夏重屋也 屋主人不恤匠者則匠者以法魔主人木上銳下壯 平曰屠麻 之府府正也屋之正大者也 漢書注廣厦大屋也 釋名大屋曰無無地無覆也并其人 廣雅熔麻平屋也 漢書注區者小室之名若令小 漢胡建傳諸校列坐堂 宋玉抬魂冬有突夏夏 爾雅連謂之移郭江 通俗文屋

多いでた

Va.10 101 /111 秦風在其板屋注西戎之俗以板為屋 或由窮卷起白屋裂地而封注白屋以白茅覆屋 官室相連曰該陸雲集曹公有該唐文選該門曲榭劉 雕傅誃門旦空未央朝寂 堂樓閣邊小屋今呼之移廚連觀也 以茅覆之名曰葺屋故禮記曰匠人葺屋三分五屋四 分葺屋者民之茅茨屋也 吾丘毒王傅令三公有司 戴延之西征記洛陽城有勢金屋 格致镜原 事物原始古時白葢之屋 升施外集聲類 漢武故事上 隋書蔥

為屋 嘗至江上見竹屋截大竹長丈餘平破開去其節編之 林邑記林邑王范文鑄銅屋 **嶺山有順天神者儀制極華金銀鍱為屋以銀為地** 金一四屋/三 屋無異此屋甚宜大暑也 溪蜜叢笑山猺穴居野處 為嶺南節度使教民陶瓦易蒲屋以絕火患 以破開竹覆其縫者簷則横竹夾定下施總户與五 隋書鉢室韋國用樺皮益屋 乳六帖西域拂森無陶瓦屑白石壁屋堅潤如 卷十九 廣志大秦國以青水精 楊於陵傳於陵出 銷夏錄

已有第之名矣史記齊自淳于髡以下皆命曰列大夫 雖有屋以庇風雨不過剪毛叉木而已名打家 事物原始左傅曰齊景公欲更晏子之第則周之中時 第宅

次第故曰第也

升卷外集漢世有東第所謂爵為通

為開第於康莊之衢 漢高帝紀賜大第室注有甲乙

侯列居東第是也有西第馬融作大將軍西第頌是也

有北第賜夏侯嬰北第第一是也獨無南第

格致鏡原

こうとういしんと

金安匹屋全書 面豈能獨古乎 户不得作第其舍在里中皆不稱第 淮南子哀公欲 出不由里門百大道者名曰第爵雖列侯食邑不淌萬 禮記曰南向北向西方為上爾雅曰西南隅謂之與尊 侯大治第宅上幸成都侯商第見赤墀青瑣 長之處也不西益者恐動搖之耳審西益有害增廣三 西益宅史爭之以為西益宅不祥 俗説西者為上上益宅者妨家長也原其所以西益者 卷十九 風俗通宅不西益 初學記

房后妃之室合數增城安處長寧 漢官儀皇后椒房 **義鴉演義房方也室內之方正也又防也防風雨燥濕** 而芳辟除惡氣猶天子以朱泥殿上曰丹墀也 取椒聊之實蕃行盈升之義以椒和泥塗壁取其温暖 此則路寢有左右房也 曰大具鼖鼓在西房兒之戈和之方垂之竹矢在東房 説文房室在旁者也 格致追原 班固西都賦後官則掖庭椒 李證明些論尚書顧命篇 真人

一動定四庫全書 臣懼土木勝人人不安室 釋名室實也言人物實滿于其中也 老子攀户牖以 内傳有流雲九色之房 **然室當其無有室之用** 室 國語智襄子室美士出夕曰 爾雅室西南隅謂之與西

箱言似箱篋之形

禮記儒有環堵之室注堵長一丈

昌傅吕后侧耳於東箱聽師古注正寝之東西室皆曰

北隅謂之屋漏東北隅謂之宦東南隅謂之安

漢周

安有非常室 飛燕外傳帝為婕妤作温室凝釭室浴 織作染練之署謂之暴室取暴曬為名 三輔黃圖長 畫之室也或曰雕畫之室也 · le.loial lilia . 横量之得十笏 紂為瓊室 有金室 尺而環一堵為方丈故曰環堵之室 十洲記崑崙山上有瓊華之室 事物紀原西域國有維摩詰石室以手板縱 漢霍光傅止畫室中不入注近臣所止計 杜陽編上崇釋氏教乃春百品香和 格致鈍原 三輔黃圖暴室主掖庭 淮南子西方 通鑑外紀 主

敬鬼神而遠之所以有屋何所以象生之居 山節藻稅後廟重檐刮楹達鄉反站出尊崇站康圭疏 處皆祠 银粉以逢佛室 釋名廟貌也先祖形貌所在 軒轅本紀帝界天臣察追暴取几杖立廟於是鲁游 一尺四寸黑衣赤情帶劍持戟呼其名則去 廟附祠堂 白虎通聖王所以制宗廟何曰生死殊路故 白澤園故室之精名俊龍狀如小兒 位版 木主 爾雅室有東西廂日廟 明堂位

每岸匹层,全~~

祠堂 故廟十一室二十三楹楹十一梁垣墉廣袤稱之 怪物行事 王烈孫傅僖宗還蜀議立太廟盈孫議曰 曹决獄平郡中為立生祠自三代而來無生為立祠者 祠堂按此漢時墓有祠堂 事物紀原漢于公為縣吏 屏天子之廟飾也 魏了翁經外雜鈔襲勝戒子孫勿隨俗動吾家種柏作 Colored to the 有先王之廟及公卿祠堂圖畫天地山川神靈及古賢 家禮君子將營官室先立祠堂于正寝之東 楚蘇天問序屈原彷徨山澤見禁 格致镜原

恭考禮文傅以經誼伏請昊天上帝位版長三尺取參 位 金月四月人二七 官有鬼神示之居則知凡事未當無位旅上帝供金版 則 金字按徽宗政和六年紫攸言臣昨受睿旨討論位版 金版書神位以金飾木為之如匣之制稍高博且表 一制退者太史局所掌見用位版旨無所稽據謹按周 板 知凡位未當無版唯長短廣狹厚薄之數不見於書 岳珂愧郯錄宋朝郊祀天地祖宗正配位皆有 卷十九

黑漆黃字第三已降黑漆朱字天地祖宗為一匣餘十 為之師 成數書號以黃色取黃琮之義仍取周官之制皆以金 備數書微號以蒼色取蒼壁之義皇地祇位版長二尺 綠帕壇上四位以朱漆金字第一神位黑漆金字第二 取两地之数厚六寸取坤元用六之数廣一尺取地之 天之數厚九寸取乾元用九之數廣一尺二寸取天之 二陸為一匣 宋朝會要天地版位貯以漆匣舁床覆以黄 **体政境原** 二十九

藏主之器也 庶物與名疏周禮祭祀則共運主經史直音運益宗廟 書鈔禮云宗廟之主以木為之長尺二寸孝子入宗廟 金」一座全一 栗用栗者藏主也,五經要義木主之狀四方穿中 之中雖見木主亦當盡敬 公羊傅虞主用桑練主用 廟之主藏於户外西牖之下有石盆故名宗柘 以達四方天子長尺二寸諸侯長尺皆刻諡於其背 說文宗廟之木主名曰祏 卷十九 擊虞决疑要注凡

官也明尊甲有差聽化少也半於天子之官半者象璜 **壅水環遠如壁故前世曰壁池壁沿** 禮記天子曰辟雅諸侯曰類宫 缺東以南半天子之學故曰類宫 也半有水半無水也 也獨南面禮儀之方有水耳 法天雍之以水象教化流行 學宫 五經通義諸侯不得觀四方故 陸德明釋文泮水半水 唐書古天子學曰辟雅 白虎通辟者象壁員 白虎通洋宫學

欽定匹庫全書 時號為念珠廳葢判案一百八道西士廳為沙廳廳前 近代通謂府廷為公衙即古之公朝 門乃牙門之訛 子居曰衙行曰駕遂謂正朝為正衙後通謂官府為衙 取其赤心而外刺槐之言懷來人也 邦外朝之法左九棘右九棘面三槐注樹棘以為位者 周禮太室以八法治官府注百官所居曰府 官解 聞奇錄京兆府判司特云東士曹廳 名義考唐制天 周禮朝士掌建 續世說

總論 以胡人為六卿之爵改廟曰寺 **椿緩又多泄漏** 僦舍居每出省有中批外奏則省吏偏詣私第呈押 既 林燕語宋初京師職事官舊皆無公解雖宰相執政亦 有莎周迴可十五步 明帝遣使西域求佛書及沙門圖其形像置于鴻臚寺 寺 風俗通寺司也官府所止故曰寺 雞跖集河中府有綠莎廳 各交变员 李華杭州開元寺碑 名山藏漢

僧傳漢明帝於城門外立精舍以處摩騰即白馬寺是 漢永平中佛教初至洛陽始置寺度騰蘭二古德者官 自後改招提為白馬諸處多取此名馬 有惡國王利於財將毀之有一白馬繞塔悲鳴即停毀 僧乍來權止公司移入別居不忘其本還標寺號 吂 名義集寺者嗣也治事者相嗣續于其內本是司名西 之庭府稱寺益實而尊之比于曹署此其源也 也名白馬者相傳云天竺國有如藍名招提其處大富 文殊師利菩 翻譯

動定匹庫全書

岩四萬 別名 欲造寺 唐食貨志武宗廢浮屠法毀天下寺四千六百招提蘭 薩經佛初得道在摩伽陀國伽耶山寺 園化城淨土花界蓮宮蘇峯鹿苑花宫奈苑雞園龍宫 史界曰東晉何克始拾宅安尼此益尼寺之所起也 波斯匿等五王白世尊此僧伽户水側福妙最是神地 CAIDIN 1.1. 白六帖仁祠招提精舍法門梵官實地祇園紺 譬喻經阿育王起千八百寺 各致免原 増 事物紀原僧 手 阿含經

金 一 四 全書 金界金利香利皆佛寺 為你監故曰柰苑 場即無生廷也或名寺即公廷也或名淨住舍或名法 金剛淨利或名寂滅道場或名遠離惡處或名親近善 奈樹生果果生有一女子王收為妃女乃以苑地施佛 又曰香阜又曰柰園又曰香界 同舍或名出世間舍或名精舍或名清淨無極園或名 楊慎外集佛寺曰仙陀金山又曰仁祠又曰實坊 祖庭事苑梵語貧婆此云叢林聲 法苑珠林寺有多名或名道 雞跖集苦西域國有

伽藍 如大樹叢叢故僧聚處得名叢林 藍故寺宇號為實坊 為雁形第二層作師子形第三層作馬形第四層作牛 記達觀國有迎禁佛伽藍穿大石山作之有五重最下 今畧名刹即播柱也沙門得一法者便建播告四遠 得十笏故云方丈 之西域至毘耶城有維摩居石室以手板縱横量之遂 大藏經須彌山下有青駕伽藍 雞跖集給狐長者布黃金地為伽 格文鈍原 釋氏要聽梵云刹瑟故此云竿 唐高僧傅王玄策 佛遊天竺本 Ī

總論 欽定匹庫全書 之名 形第五層作鸽形 拓為招去關奢留提故稱招提 即今十方住持寺也 薩名論云開静處知度論云遠離處小異大同 僧史後魏太武帝始元元年造如監創立招提 塔 釋氏要覽梵言蘭若唐言无淨四分律云空淨 釋氏要覽梵語云拓勵提奢唐言四方僧物訛 翻譯名義集塔西國浮圖也 事物紀原高僧

命取舍利禁中度開寶寺地造浮屠十 塔頂為天門 阿育王所造八萬四千而此震旦得十九之一也太宗 林有舍利者名塔無舍利者名支提 傳云唐僧會子吳赤烏十年至建鄴猿權使人求舍利 子既得之權乃造塔藏之此中國造塔之始 八下佛滅度後一日一夜後鬼神造八萬四千塔此 談苑錢鏐曰釋迎真身舍利塔見於明州鄞縣 南史阿育王塔即鐵輪王王閻浮提 各段燒原 古今詩話俗言 級以藏舍利 三十四 法苑珠

吹之不百年當正也其用心之精益如此 塔也南史虞愿傅以孝武莊嚴刹七層帝欲起十層不 刹相至李周翰注列刹佛塔也又崇基表刹劉良注刹 傾西北人怪而問之浩曰京師地平無山而多西北風 制度甚精都料匠顧浩所造也塔初成望之不正而勢 妙跡可傳 可立分為两刹各五層劉孝儀平等刹下銘惟兹實塔 珍珠船剂韻會以為佛寺非也王簡棲頭陀寺碑列 歸出錄開實寺塔在京師諸塔中最高而 五侯鯖西

舒定匹库全書

卷十九

庸俗所造佛塔也觀砰後書云造十六角鎮國大浮圖 處西梵正音名為窣堵波 歐陽修集古錄十六角者 祐初姜遵奉太后意悉取長安碑石為塔材 法说珠 唇高三尺乃諸天神仙巧麗特絕人皆長五六分列幢 國有道術人名尸羅善街惑之術於其指端出浮屠十 則知為塔矣其謂之十六角只見此碑 拾遺記申毒 林塔者梵名塔婆此云方墳或云支提翻為滅惡生善 方佛沙伏國王造塔用珠為網 王闢之漚水燕談景 格致鎮原 辛五

諸塔 銀定四庫全言 益歌舞繞塔而行歌唱之人如真人矣 建康實錄謝 波即袁宏漢記所謂浮圖祠也長安中推倒天后及王 所謂雀離佛屬也 五侯鯖小月氏國有塔圍三百五 形見有氣來可擬之尚遂刻小塔施杖頭置左右 尚嘗夢其父曰西南有氣至衝人必死可杖頭刻作塔 三年沙門玄奘起塔初惟五層磚表土心效西域窣堵 十步高八十丈謂百丈佛圖 魏書乾陀國都城有佛塔高七十丈周三百步 游南城記慈思寺永徽

人遂令生餓數日而死天后令葬之其上起塔設千人 荡殆盡惟磚塔在馬 山堂肆考應天府西北岡上有 起塔十五層貞祐乙灰歲塔之纏腰尚存卒外遷徙廢 供勒碑號為虎塔至今猶在 戒愁漫筆章南康鎮蜀 野愈戴天后中成王千里將一虎子來宫中養損一宫 下自隕衆曰此願垂戒宜旌彼徳於是瘗鴈建塔 公施錢重加營建至十層薦福寺景龍中宫人率出錢 西域記告有比丘見羣應彩刻忽有一應投 格致境原 朝

鸚鵡塔 語曰塔兒紅朱衣人作主翁塔兒黑北人作主南為客 翼委足屯然而絕焚之有舍利韋公為立塔瘞之號 曰 塔上有石照見南山草木鳥獸 合如欲倒者 天寧寺塔忽紅色自頂至踵表裏洞徹如煆鐵先是童 五侯鯖望徳寺两塔相對高十三層忽震動開 馮玄鐵研北雜志號令陳偲說鳳翔東 五侯鯖至正間彰德

一金安匹尼全香

一鸚鵡甚慧馴養者晚以佛理一日不震不仆斂

間二 水流味如中國酒易醉人 此塔亦每損每修今官府以欄木障之好事者往木以 丈大不過數圖人撼之即動頂之風鈴每為人搖下因 七修類菜蘇州有磚砌之塔名曰官卷塔雖高不過三 交訟曲直難辨則國宮之對有小石塔十二座令二 てふしいる とろう 五侯鯖南雄延祥寺有三塔其影不以陰晴見於壁 一懸影向上一倒影賔與年見廳堂主有入選者 誠齊雜記真臘有石塔塔中一 格致镜原 七修類豪真臘國俗兩家 洞卧佛臍中當有 麦

授帝白玉元始真容置於高觀之上時人謂之道觀 草棲之所因號樓觀益道觀之初也黃帝內傳西王母 **或三四日無理者必得瘡癤咳嗽發熱之証有理者畧** 各坐一塔中塔外則两家親屬自相提防或坐一二日 觀之義疑取諸此隋煬帝改為玄壇後後日觀 續事始周穆王尚神仙名尹軟杜沖居然南山尹真人 **然纖事謂之天獄** |附牌 珓 白六

金字四左人

卷十九

統志一柱觀在松滋縣東丘家湖中 皆道觀也 神化金寶牌分給在京宫觀及外州名山聖迹之處面 帖清觀紫宫觀觀靈宫銀宫金闕紫府丹房碧洞丹臺 石以水精為月削青暖為蟾蜍又有神龍神鳳徘徊其 有金盛之觀飾以來實左懸則火精為日刻黑玉為鳥 事物原始宋會要曰天禧元年四月站內出聖祖 唐百官志天下觀一千六百八十七 格致鏡原 拾遺記贏海南 手

來道家者流始感道士居上者必賜以塗金銀牌上有 觀金字牌自此始也 金牙匹度全心 投空擲地觀其俯仰以斷休咎自有此制後後人不專 用蛤殼矣或以竹或以木畧斷削使如蛤形而中分為 文曰玉清昭應宮成天尊萬壽背文曰永鎮福地今寺 天篆成使佩之以為外飾被寵異則又得金牌馬 一有仰有俯故亦名盃珍盃者言蛤殼中空可以受感 演繁露後世問卜於神有跪名盃珓者以两蚌殼 紧係鐵園山叢談徽宗政和以

擲法則以半俯半仰者為吉此其所以為教也 歲時記注文曰教以桐為之形如小蛤言教教令也其 秋社擬教於神以占來減豐儉其字無所附並乃獨書 曰殢神擲校是也校亦音珓也今野廟之荒凉無資者 仰也後人見其質之為木也則書以為校字義山雜纂 其狀如盃也珍者本合為教言神所告教現於此之俯 為教猶言神所告於職鄉乎見之也此說最為明徑又 止破厚竹根為之俗書毅者是也宗慎判楚歲時記曰 このこのこと 2014百 格致鏡原

陽珓俱仰陰珓俱俯勝珓一仰 號香積以東香絲盛滿香飯悉飽我會故今僧舍廚名 金りにた 錬珍堂在塗口行珍館 帝王世紀太昊取犧牲以供庖廚 升花外集夏日供帳飲食處口冰廚見越絕書閱盧店 四象占三之則成卦而六十四具於其中 清與錄段文昌丞相精飲食事第中庖所楊曰 廚 維摩經維摩詰往上方有國 俯此義畫所傳两儀 物原神農作廚

香積 釋名電造也創造食物也 蒼頡篇楚人呼電日籍 竈

張揖廣雅籍謂之電其唇謂之輕其愈謂之埃埃下謂 會連子電五突分煙者衆也 墨子電必為屏

心突高出屋四尺防失火也 庶物異名疏小雅印烘

于堪展爾雅堪娃也說文行電也郭璞云今之三隅電 孔氏曰炷者無釜之電止以燃火照物今之火爐朱子

炎之四華全書

格致鏡原

南子黃帝作電死為竈神 注都電然炊之大電也 踞電飯聽之注飯電額也 曰堪可燎而不可烹飪者也 祝融是老婦 于電電者老婦之祭也故盛於盆尊於瓶鄭玄注電神 酉陽雜俎竈神名應狀如美女又姓張名單字子郭 五經與義電神姓蘇名吉利夫人姓王名搏頭 **莊子電有髻注電神名髻著赤衣狀如** 李尤電銘燧人造火電 禮器城文仲安知禮爆柴 漢五行志豕出图壞都竈 莊子仲尼讀春秋老冊 次足日事/言 當辰已間隟地取土先掘去上五寸以水美酒一升合 者火之主人所以自養也夏亦火王長養萬物 史記 尺長五尺欲安兩釜長七尺子孫富貴作竈餘泥不可 和泥之以癸亦日修之此日安電自如也作電法廣四 李少君曰祠竈丹砂可化為黃金 藝文類聚作電法 和君玉池夫人等一日電神名壤子 白虎通夏祭電 帝大夫天帝都尉天帝長兄硎上童子突上紫官君太 夫人字卿忌有六女皆名察治其屬神有天帝婚孫天 格致鏡原

乳六帖陸龜紫升舟齊茶竈往來 説苑扁鹊造軒光之電八成之湯 雜俎 電無故自濕潤者亦蝦養名釣注居之去則止 眉郡治有古竈在聽事後太守不敢居高鑰奉祠之 謂之插竈先後相承至今尚在 之左岸絕達壁立數百丈有一火爐插在崖間望見可 長數尺父老相傳苦洪水之時泊舟崖側以餘燼插之 泥井井餘土不可泥竈大凶豬肝泥竈令婦孝 **范成大吳船錄蜀中** 水經注宜春縣江 酉陽

シアイエア

均輸 自古亦無名額通典食貨篇隋開皇三年華州置廣涌 言物所在之舍也 貯國儲也商有鉅橋漢有成臭敖倉及常平隋有黎陽 也瞽瞍使舜完廩則唐虞時已有廩矣 倉則倉有名額此其始也六帖云吳倉春申君所造名 月令孟冬命有司穿竇客修国倉 事物原始通典曰藏米栗曰麋益倉廩乃一 倉庫 說文庫兵器所藏帑金布所藏故 各致鏡原 事物紀原倉所以 釋名庫舍也

金安四库全香 乘為卓三卓為繋六繋為一成六成校此名一成之始也 藏之為名也謂之庫藏馬 禮記季春之月審五庫之 左右仗廐左日奔星右日内駒两仗内又有六廐左飛 事物紀原威馬舍也周禮校人掌頑良馬而養乘之三 漢五行志未央殿輅幹中注輅幹廐名也 日車庫二日兵庫三日祭器庫四日樂庫五日宴 廐 商君書湯武破桀紂海内無患築五庫藏五兵 百官志

謂之温 則池水恒温名曰焦龍池又曰清嬉浴室 七修類菜 琥珀為餅杓又以紗穀為囊盛百雜香漬于水中嚴冰 右飛左萬右萬東南內西北內 物原高车氏始造為温 吳俗發大石為池客幕以磚後為巨釜令與池通轆 之時作銅屈龍數十枚各重數十斤燒如火色投水中 浴室 拾遺記石虎為浴室用輸石磁祛為提戶以 禮記外内不共渴浴註浴室

C. C. Died Lides

格致鏡原

學三

源馬 溷濁也 說文風清也 引水穴壁而貯馬口 文宣帝怒其魏郡丞崔叔寶以溷汁沃頭後人或食或 言并州人成鑿土為室風在所居之上故也一說北齊 「混堂榜其門則曰香水男子納一錢於主人皆得入 厠 儀禮隸人温厠 釋名原言人雜在上非一也或曰涵言 人專執爨池水相吞遂成沸湯名 資服集俗命如風為屋頭

オータモア 言言

避親長不能正言國因影為沃頭馬 亦設食啦之至盡 洛陽要記陳宛盛其居止厕上术 皇遠反走謂崇曰誤入卿内崇曰是原耳 世說王敦 大田の日本書 湯盥手槐板覆散粪穴為都城第一 尚舞陽公主如厠有漆箱盛乾豪本以塞鼻敦謂厠上 與新衣著令出容多羞不能如風 石崇如厠見有終紗帳大床茵降甚麗两婢持錦香囊 有十餘好侍列皆麗服藻節置甲煎粉沈香汁之屬又 格致鏡原 語林太尉劉寔詣 續幽怪錄厠神 世說石崇風常 配面

每月六巡 多けせたと言 也 民姓王常祭厠神 致鏡原卷十九 酉陽雜俎項天竺則鬼名 雜五行書風神後帝也 日至其所見著黄女子云某風神 卷十九 一名笙 葆光錄台州有

欽定四庫全書等

詳校官中書 羅錦森

侍讀臣孫球覆勘 校對官原任野海上郭 城 總校官中書臣朱

鈐

膽銀舉人臣潘

炯

Salore hadio 輔問名棟為極事物紅珠駝梁大梁棒 要な ないぎょい 格致鏡原 疏梁即屋大梁也一名东棟 漢天文志流星下燕萬 輔間名為極或日極

熙霏雪錄禹廟梅孫乃大梅山所產梅樹也山在鄞縣 謂之挂楣 也郭云門户上横梁鄉射記云堂則物當楣是也 梁也 木桁條屋横木乳梁枋上短梁 施於前後兩楹之問下不裝構如偏橋棧道之勢今, 雅楣眉也近前若面之有眉也 金厂工厂工工 風俗通夏禹廟中有梅梁忽一表生枝葉 邢昺爾雅疏楣即梁也名伯雍云門樞之横梁 卓氏藻林機櫃曲短 升卷外集懸楣横

次包国事 ·1 之乃以鐵索鎖于柱他山堰之梁長二丈許去岸數尺 歲人不朽大水不漂因刀墜候傷之出血不止今禹廟 山錄漢武帝時玉笥山置一觀既構殿缺中梁一 以他梅樹代之不斷不削存故事耳非舊物也 堰之梁禹祠之梁唐張僧繇圖龍其上夜大風雨當飛 山頂大梅樹其上則為會稽禹祠之梁其下則為他山 東南七十里益梅子真隱處石洞仙井丹電樂號猶在 入鏡湖與龍蘭人見梁上水冰鴻濕洋藻滿馬始驗與 格致鏡原 玉笥

觀至魏武帝時遣使取之雷電大震裂殿脊化為白龍 文柏為梁 金陵覽古晉孝武太元三年僕射謝安作 而去晉永嘉中有戴氏子入山見兩座青石榰一條白 氏驚走告人再尋之不復見 三輔黃圖柏梁臺武帝 玉梁于岩下上有赤書五行敲之聲如鐘鱗甲張起戴 選奇材未獲忽一夜晴天降白玉梁一條因號為玉梁 以香柏為梁也 朝野愈載宗楚客造一宅新成旨是 元鼎二年春起此臺在長安城中北闕內三輔舊事云

故也開者柱上木名也又謂之族又名稱亦名析柱 藻税者調畫梁上柱為藻文也一名侏儒柱以其短小 名類 羊又作五穀囊隨羊懸之云昔高固為焚相五羊街穀 梅花於梁上表瑞因名梁殿 370.10 101 7.10 萃於楚庭故圖其象為瑞六國時廣州屬楚 新宫太極殿欠一梁有海木流至石頭城下取用之畫 邢禺爾雅疏楹柱也其深上短柱名稅禮罷云 柱 格致鏡原 廣州記州聽梁上畫五

卷外集唐韻楷音塔柱楷頭也今俗名護朽 畫山深之禮也 謂斗棋也禮罷云管仲山節者謂刻柱頭為斗拱形 短故以名之也 飾士首本大夫達棱諸侯斷而襲之天子加密石馬無 山也 方木是也又曰楷是一物五名也杨 王莽傳為銅簿櫃注簿櫃柱上冊今所謂楷也 禮記鄭注邊極謂之節梁上楹謂之稅官室之 藻林杨梁上短柱也芝杨畫芝於上 逸雅极儒梁上短柱也极儒猶侏儒 名楽即爐也皆 事物

金牙巴尼台下

中有靈波殿皆以桂為柱風來自香 輔黃圖漢未典官以文杏為柱甘泉官南有昆則池池 許循等級用采色庶人則不許夫是以謂為白屋也後 繁露春秋莊公丹桓宫楹非禮也在禮楹天子丹諸侯 世諸王皆朱其邸今世凡官寺皆施朱存古也 點至大夫蒼士黈鞋黃色也案此即自士以上屋極方 珠藥學也其體上曲學拳斗在樂两頭負上員穩 大戴禮周時德澤和洽嵩茂大以為官柱 格致镜原 拾遺記漢成帝

異經崑崙有銅柱馬其高入天所謂天柱也圍三十里 車焼沈水却成粗踩爭似我二十四箇藏用仙人 好微行于太液池傍起宵遊宫以漆為柱鋪黑線之幕 刻鏤礎石各置爐燃香故有氣無形上謂左右隋帝論 廣府劉韓僭大號晚年亦事奢靡作南薰殿柱皆通透 日七夜放光 水精為柱 魏畧大秦國城中有五宫相去各五十里宫室皆以 南史何盾於波若寺內立明珠柱柱乃七 珍珠船王元實以錦石為柱 清異錄 神

金守四八全是

果铸銅柱為誓在衛山縣又唐御史唐九徵立銅柱於 華山之石鑄銅柱十二塗以黃金鏤以百物綴以明珠 水黑色其深莫測與江水相消長有鐵柱立其中相傳 點蒼之湍溪又五代晉與楚王馬希範立銅柱為界學 大五圍 士李臯銘在辰州 圓周如削 焦氏筆來銅柱不止馬援吳黃武二年程晉關侯分 晉書太始二年七月營太廟致荆山之木采 漢武故事上起神屋鑄銅為柱黃金塗之 山堂肆考江西省城内宫前有井 格致境京

肆考樟柱般在臺城內陳高祖作太極殿少一柱忽有 頭題古文字不可識江淹以問王儉儉云江東不閑縣 樟木大十圍長四丈餘自流於陶家渚遂取以造殿 王義慶鎮江陵于羅公洲立觀甚大而惟一柱 甚大而惟有一柱泉梁皆共此柱 晉許真君旌陽所鑄以息蛟害者 敏定匹库全書 六七尺下得柱千餘根時十園長者一丈短者八九尺 再陽雜俎齊建元二年夏盧陵長溪水衝擊山麓崩長 卷二十 渚宫故事宋臨川 博物志江陵有臺 山堂

高三丈大可十團傅云是公孫述樓柱破之血出枯 次定马車全轉 聞柱中有蝦養聲不知的處後因柱朽壞易之廚人 尺五寸分為八枝 偓始家第堂柱生槐枝暮而茂既而偓秉政 以為新柱中得 五行記唐懷州凝真觀東廊柱已九十餘年道士往往 書泰漢時柱也 古今注漢和帝時江夏民舎柱生两枝其一 蝦養其柱先無孔也 盛弘之荆州記巴東有一 一長尺六寸分為五枝 格致鏡原 唐五行志如 一折柱孤直 白六帖朱 廣古今

意中 玉胄謂為善徵也該齊慶之釋靈裕云斯琉璃耳 續高僧傅隋相州刺史內陽公薛胄所居堂礎忽 玉礩也以永柱者見文選 八餘猶生 為師也 有石承注石材柱下質也石承當柱下而已不外出 事物考石礎古謂之質礎 述異記吳王夫差射堂柱礎皆如伏龜 水碾柱壞易之為新中有鮎魚長 尚書大傅大夫有石材庶

卷二十

人いうこという 名類 雅梅确也其形細而疎确也或謂之樣樣傳也相傳 屋際樣正相當若其樣直不上於擔者名交言相交 是也屋椽長直而遂達五架屋際者名閱郭云謂五架 鴻漸於木或得其稱左傳子產曰棟折榱崩僑將壓馬 文疏梅屋椽也一 一也郭云謂五架屋際樣不直上檐交於穩 爾雅梅謂之 名樣松齊魯名稱周人名樣易曰 一樣梅直而遂謂之閱直不受擔 格致镜原 E

頭也樣樣之頭以玉飾言其英華相燭也 員者為樣方者為倘 北壮首俗呼為公壮首是也 圓方注陽馬屋四角引出以采短椽者 珠禁編暗短方椽符簿椽上竹又梠旅也又曰櫋綿 而布列也或謂之樣在穩旁下列衰衰然垂也 武營未央宫以木蘭為梦療注梦縣棟椽也 《頭使平上 一入口爵頭 何宴景福殿賦承以陽馬接以 賢弈編結屋材凑合處必有 廿泉賦旋題玉英注題 三輔黄圖孝 説

ノーラロ

Ė

卷二十

林柏皆刻作龍蛇繁繞其間鱗甲分明見者莫不乾 陳 * J. 17 ... 1. 1. ... 墙樣頭也以彩飾之曰文墙見文選 為龍鳳從風雨飛去 刻玳瑁為禽獸以薄其上椽首皆作龍首街鈴流蘇縣 仰觀刻桶畫龍姓吃 南史王晏未敗前見屋梅子悉是大蛇就視之猶木 三輔黃圖武帝作通天臺元鳳間自毀椽梅哈化 國語莊公丹桓宮之楹而刻其稱 格致鏡原 漢武故事上起神屋以金為樣 西京雜記趙昭儀所居昭陽殿 宋玉招魂

交木方為之如井幹也船網莖也以其莖倒植於藻井 植者為柱楣撑者為樣梅 其花下向反披柳雅花葉參差貌 金坑匹左全喜 滔長笛賦序柯亭之觀以竹為椽 也晏惡之方以紙裹桶子猶紙內搖動簌簌有聲 西京賦蒂倒殆於藻井披紅節之种雅注藻井當棟中 唐房千里竹室記環堵所棲率用竹以結其四角 藻井 卷二十 廣志篇竹宜為屋 風俗通殿堂象東

逸雅承塵施於上承塵土也 曰天花板也 者以為藻取其文益藻非特為取其文亦以禳火今屋 こんこうここ ノ・ムラ 謂之恩項 口内畫藻曰藻井 一覆檢謂之深井取象於此亦曰給井又謂之覆海亦 形刻為荷菱藻三者皆水物所以厭火灾 承塵 楊慎外集綺井謂之圖八又曰藻井今俗 事物紅珠鬧鬭八天花板上鬭八角井 裕致強原 事物組珠承塵施於 坪雅哉!

多けでたノニュ 類要東海有魚似鸡喷浪即降雨唐以來設其象於屋 塵也言升殿過堂入房至室與處上則有朱畫承塵下 俗名仰塵伊尹制 國有大富長者條三稱與佛作金箔永塵 則有筆筵好席可以休息也 支僧載外國事斯詞條 蘇氏演義虽海獸也漢武作柏梁殿以虽尾水之 鸠吻 楚辭經堂入與朱塵筵些注塵永 佛作两重

钦定四車全書 ~ 以意為之非其本則然也 龍皆立於屋上者今殿庭曰物衙舍曰獸頭大抵皆豈 自有唐以來寺觀舊殿宇尚有為飛魚形尾指上者不 灾術者言天上有魚尾星宜為其象冠于室以禳之今 也殿庭為龍形衙舍為獸形或為魚形以別於宫殿皆 知何時易名為媽吻狀亦不類魚尾 名義考椒園雜 精能卻火災因置其象於上 記螭物形似獸立於屋角上又云蟟蛭似龍鰲魚亦似 格致鈍原 墨客揮犀漢以宫殿多

一藏自固也秋亦萬物成熟內備自守也 **葦口扇或曰雙曰闔單曰扇**)精名野狀如侏儒見人則拜呼之宜飲食 闙 釋名門捫也在外為人所捫摸也 禮月今仲春乃修闔扇注治門户也木曰闔竹 皇圖要記軒轅造門户 類為禮云天子門曰專門庫門雉門應門路門 白虎通秋祭門門以閉 說文門從二户象 白澤圖故門 易說卦艮為

閣門故以被稱 無官則供人門鄭注次車為潘則印車報以表門張惟 武帝紀披門注服度曰正門之旁小門如人臂披也 為官則樹姓以表門陳列周衛則立長人以表門 即路門為五也 長安志宣政門內有宣政殿東有東上閣門西有西上 又鄭玄云天子五門魯有庫姓路則諸侯三門又外傳 云自外及內第一舉門次庫門中雉門其四應門極內 儀禮注關門如今東西披門 周禮王行幸設車宫轅門惟宫旌門 格致稅原 質誼

次全四年全十二

青名日青瑣天子門制心師古日青瑣者刺為連瑣文 グラント という 中天子制也如淳曰門楣格再重如人衣領再重裏者 宫中小門 書天子宫門曰司馬門 漢書高后對不出房閮注閱 記金馬門者官者署門也門傍有銅馬故謂之曰金馬 上當忽名太子出龍樓門張晏注門樓上有銅龍 正門曰端門 漢書元后傳亦墀青瑣注孟康曰以青畫戶邊鏤 漢獻帝紀注禁門曰黃題 漢書孝成皇帝元帝太子也初居桂宫 前五行志宫

小門也其小者謂之閨小閨謂之閣衙門謂之慰闔謂謂相通其小者謂之閨小閨謂之問衙門謂之問 轍 故專其目 方如圭之狀 而青塗也 漢書陳平家負郭窮卷蔣以為門然門外多長者車 爾雅閉謂之門正門謂之應門宫中之門謂之聞 禮記儒有並門主實注主實者牆上鑿門上銳一 說文間里中門也関市外門也問関高門也關 水經注磁石門在阿房前悉以磁石為之 神異經南方有宮以赤石為牆赤銅為門 詩義問横一木作門而上無屋謂之衡 格致き原 1-

金」立庫全書 蠡引門其户然不可開遂象之立於門户案今門上排 衙門乃可門之記 前謂之牙門公孫職傅拔其牙門是也後通謂官府為 楚人名門皆曰閶闔 名義考古者建大牙旗立於帳 即守門隸也開門也汝南平與里門曰開閱閱天門也 門響也問里門也閣門堅也門昏也門常昏閉故曰閣 演繁露風俗通義門户鋪首告公輸班見水中 毛詩出其閨閣注閣城上重門也 悉二十

五而突起者公翰班所飾之蠡也義訓曰門飾金謂之 黃圖金鋪扉上有金華中作獸及龍蛇鋪首以街環也 泉賦排玉户而處金鋪子注率奇曰鋪門首也 門亦此意佛經金摩竭魚裝飾門柱亦金鋪之象 螺蚌或以金銅各隨其所王之德令俗歲節以葦索懸 鋪鋪謂之鏂暗今俗謂之浮温釘也案此温者水上浮 金鋪也其制不始於漢三代以來有之或以章索或以 漚狀亦類蠢也 丹鉛總錄鋪字從金宮門銅環所謂 格淡镜原 ナニー

青故曰倉琅鋪首街環故謂之根 獸以街環者我朋公侯一二品門用獸面擺錫鐸三品 謠曰木門倉琅根注師古曰門之鋪首及銅錢也銅色 至五品惟雅錫環六品至九品用鐵環 門鐶曰曲須當是屈膝益門鐶雙曰金鋪單曰屈膝言 門鋪首作龜蛇之形師古曰門之鋪首門以街環者也 漢哀帝紀孝元廟殿門銅龜形蛇鋪首鳴注如淳曰 留青日札楊烱青苔賦曰暗瓊鋪謂扉上有金王龍 名義考京師人謂 漢五行志童

動定四雄全書

らっこうらく しょう 意北方謂之屈戍其稱甚古 宫娃歌云屈膝金鋪鎖阿甄金鋪門飾也屈膝葢鉸鍊 屈膝即今之蝴蝶扇鉸也可以屈申指聲 上二乘者為鉱下三衡為鉞云 令人家總户該鼓具或鐵或銅名曰環紐即古金鋪遺 形如膝之屈也古鳥栖曲作屈戍 爾雅統樞者門扇開闔之所由也一名根易曰樞機 漢五行志視門樞下注樞門扇所由開閉者也 格致鏡原 留青日礼屈戍一作 研北雜志李長吉 十年! 山堂肆考

牖繩樞之子注以繩係户極也 由關不由臼也且臼非能動轉安得謂之發乎道書云 臼也何以知之福是門關關發即扉開則是門之開閉 丘光庭無明書孔顏達曰樞户白明曰樞是門關非户 金矢正屋八三 流水不腐户樞不蠹葢以門關來去故不蠹敗戶白何)發是也其持樞之木或達北穩以為牢固者名落時 即棟也落時又名尼是持個一 不蠹乎是知額達之說該也 木而有此二名也 賈誼過素論陳涉

傅切皆銅沓冒黃金塗注切門限也沓冒其頭也 書故實永公住吳興永欣寺人來寫書并請題額者如 者有不設者益古者多乘車入門必脱限 市所居户限為穿穴乃用鐵葉裹之謂為鐵門限 之制有三有一定者今宫府及南人門多用之有起落 謂之地扶一名閩曲禮云不履闕是也 名義考門限 傳諸注皆以閥為門限謂門下横木為內外之限也俗 alelocal little 爾雅扶謂之閩形民疏扶者孫炎云門限也經 格致镜原 漢書趙后

為関 長謂相上 長開 限出以便起落也极門中所監短木以礙扉此不設 即門橛也 與雜記南京國子監內號房皆無門限益太祖之意謂 人當出用不宜限隔故門皆無限 爾雅所以止扉謂之関注門辟旁長極也長代 那吳爾雅斌根者門两傍長木 一兩傍木禮記玉藻云君入門上介拂根鄭箋 名義考根門兩旁斜柱兩木中為容以受 漢書馬唐傅闡以外將軍制之注門中 一名棋李巡曰

金げせんべき

注出所以下門者也 刻移然則當時貧困并以門壮木作薪炊耳 漢五行 者也二者今驛舍城門及北人門多用之 牡亦自亡谷永曰城門關守國之固國将去故牡飛也 志成帝元延元年長安章城門門牡自亡函谷關次門 不可開按說文關以橫木持門户也廣雅樓拒門木是 又作居案察邕月令章句曰鍵剛也所以止扉或謂之 ~~ リー・ハーニー 顏氏家訓百里奚詞京伏此炊處房聲類作處 名義考老子善閉者無關健而 格致镜原 十六

度朔山有大桃樹幡屈三千里其里枝向東北曰鬼門 芝田錄門鑰必以魚者取其不腹目守夜之義 **苑以卓角木作門閥者山** 頭辟邪殆祖桃板之意而易制改觀也 知關即今門機構為關之入北處總曰拒門木也 金许匹丁全書 番樣戴虎頭盔而王公之門至以渾金飾之說者謂虎 俗謂之門神 荆楚歲時記繪二神貼户左右左神茶右勢壘 **枫熄小情靖康已前汴中家户門神多** 卷二十 事物紅珠機指閉門機 風俗通東海 談

ELECTION OF LIANS 者五木之精其精生思門制百鬼故今作桃人著門以 山桃百鬼所畏 萬鬼出入也有二神一日神茶一日鬱壘主閱領衆思 右鬱壘 門户上畫神茶鬱壘以樂凶鬼此則桃板之制也益制 起自黄帝故今世畫神像於板上猶於其下書左神茶 之出入者執以飼虎於是黃帝法而象之因立桃板於 藝苑雌黃古人以正旦畫雞於門七日貼人於 白六帖元日造桃板著户謂之仙木象勢壘 事物維珠桃符門旁二板 格致鏡原 ナとー

義門王仲昭六代同居其姓表有廳事步欄前列屏樹 閥 氣洛陽人家除夜以銅刀刻門 志五月五日用朱索連五色剛卯為門户飾以止惡氣 金字四层人 閱在門右 歲時記判楚人端午採艾結為人懸門户上以穰毒 部奏李自倫義居七世準敕旌表門間先有登州 天中記江淮間寒食家家折柳插門 事物維珠閥閥明其等曰閥在門左明其功曰 掛府元龜石晉天福二年閏七月壬申尚 後漢禮儀

大正司臣 八十二 力其同籍課後一準令式 正稱臺之形巧以白泥四隅染赤其行列樹植隨其事 門門安棹楔門外左右各建一臺高一丈二尺廣狹方 令式只表門間於李自倫所居之前量地之宜高其外 街十有五步槐柳成列今舉此為例則令式不該宜從 墨染號為鳥頭染雙闕一丈在鳥頭之南二丈七尺夾 鳥頭正門閥閱一大二尺二柱相去一大柱端安瓦桶 格致鏡原

赤綏户白綏牖 冊魏公九錫文以君翼宣風化華夏克實是用錫君朱 作石室銅户以備之 木為之因名又名傳又名突 大戴禮明堂四户八牖 逸雅户護也所以謹護閉塞也 入亦春萬物始觸户而出也 日鑿板為户 説文半門曰户 列士傅吳王闔間畏王僚之子慶急 爾雅疏植謂户之維持鎖者也植 莊子原憲居會遂户不全 白虎通春祭户户者人所出 說文衛者穿木以為户 文子聖人法蠡蚌而

多けてとといる

卷二十

雅牆障也所以自障蔽也墉容也所以敬隱形容也垣 巖穴有家室 木為門刻為方目使如羅網之狀也 網户綺文鏤也横木關柱為連言門户之楣時刻鏤綺 物原舜作牆 文朱丹其緣雕鏤其木使方好也 ススこうこと しこう 牆 說文垣般曰牆 淮南子舜作室築牆淡屋令人皆知去 格致鏡原 爾雅牆謂之埔 卓氏源林網户以 九九 烫

产赤户以居

宋玉抬魂網户朱級刻方連些王逸注

如此不知其所始也 言衰殺其上下不得正直 諸侯統将注資大也言大牆正直也統衰也将亦牆也 接也人所依阻以為援衛者也 金少四屋人 聞河東見所在酒爐皆飾以紅牆詢之父老云相沿襲 聖之色無丹青之彩 泥又一等無清和丹砂末謂之長慶赤 穆宗喜華麗所建殿閣以紙膏膠水調粉飾牆名雪花 古今注闡者市牆也 南州縣物志大秦國以瑠璃為 劉向新序諸侯垣牆有熟 尚書大傅天子賣塘 朱弁曲消舊 清異錄

植牧等甚多科之如泥造輕為牆後遇機數十口俱活 次包日草人云百一 觀管造法式乎官牆基自地上一大餘疊石四入如崖 瓊砌睛陽上終存之句問子曰溢浪何語也乎曰子不 **香外西明山有宫以白石為牆** 裔外岡明山有宮以赤石為牆西南裔外老壽山有宮 以黃銅為牆東南裔外関清山有宫以青石為牆西方 楊慎外集察衡仲一日舉温庭筠華清宫詩溢浪浮 神異經西北裔外大夏山有宫以黄金為牆南方 格致鏡原 海錄閣卓山僧勤種

牆柱也柱下横木名曰地尺 築牆俗謂之司頭 說文云築牆两旁之木也用以制板以春牆者今之春 **無狀謂之體溢石多作水紋謂之溢浪** 元狩三年帝後起凌霞觀去地九十丈累白玉為壁以 物原周公作壁 豪寫義皇以來記周成王封禪之事所謂事登母 壁 逸雅壁辟也辟樂風寒也 事物維珠植幹植木以 事物原始幹 洞冥記

コーロ

Ī

からうしき かなり 带者也於帶之中以金為紅若車红之形也红音工俗 聲明珠翠羽飾之 漢書注服废曰紅壁中之横帶也 椒房皇后所居以椒和泥塗壁取其温而芳也 西京 讀音江非 晉约曰以金環飾之也師古曰壁帶壁之横木露出如 雜記趙婕好居昭陽殿中壁帶往往為黃金紅含藍田 文益帝王之本績也 漢車千秋傳未央椒房師古注 巧殿館壁帯皆飾以金銀 後漢書琅琊王京都岂好修宫室窮極枝 格致鈍原 女紅志魏文帝官人田尚

朝恩有洞房四壁夾安琉璃板中貯江水及洋藻諸色 衣能歌舞多病文帝用硃砂塗四壁以辟邪謂之紅壁 新第沉香紅粉以泥壁開門則香氣蓬勃 南康記魚 大二字晚慶斐聖極有勢 錦繡萬花谷唐宗楚客造 檀為之 世說石崇以椒為泥泥壁王君夫以亦石脂 土壁白淨可愛子敬令取掃帚沾泥汁中以書壁為方 陳書後主起臨春結結望仙三閣壁帯縣揭皆以沈 圖書會粹義之為會稽子敬出戲見北館新白

ナシビノモデ

者不泥掌令云止以手槍泥或凹或凸乾則以墨隨其 惠之望佛壁為天下第一郭熙見之又出新意遂令圬 壁皆至之令紅白又以丹沙畫的軒板 楊慎外集楊 使其平而滑澤也 王逸楚辭注紅壁沙板言堂上四 素界之畫古烈士也 藻林楚解砥室謂以砥石為壁 故號芸暉馬 蔡質漢官典職省中皆以胡粉塗壁紫 魚蝦號藻洞 草也出于闐國其香潔白如玉入土不朽為屑以逢壁 杜陽編元載造芸暉堂於私地芸暉香 格致境点

動兵四度全言 總論 壁今衙門屏牆亦曰影壁 形迹量成峯藝林谷加之樓閣人 注總東户西也邢統牖者户西總也 經注明堂之制 曰牖在屋曰牕 逸雅牕聰也於内窺外為聰明也 牕 鄉總牖也每室四户 八牕四達 周禮夏后氏世室四旁两夾牕 爾雅牖户之間謂之康郭 物宛然天成謂之影 禮記刮楹達鄉 對故云達 説文在牆

白間即今菱花牕隔文如列錢自生虛白非以白塗為 錢張說注白問總也以白塗之畫以錢文猶綺疏青瑣 之類青瑣即今門之有亮隔者刻鏤為連瑣文本注是 凡三百八十四也 字象應形今之象眼聽也一應之孔六十四六應之 牖以通明也 胞牖者更以木為交標古者一室一户一牖室暗故設 說文牖穿壁以木為交總也徐起曰但穿明則為一 丹鉛總蘇木經云文者交疏之總也其 名義考魏都賦皎皎白間離離列

一銀定四庫全書 鑰他適無待本檢尋乃斷總取得之時人號為斷總舍 象天上橋星營造法式名柿蒂胞 官之同家亦士之同總也 唐詩綺察河漢在鐵樓皆指應也古人謂同官為察指 宋王聖求號初察高似孫號陳家謝仮號靈石山藥家 其齊署同總為義今士子同業曰同總官先事士先志 朝野魚載陽滔為中書舍人時促命制敕令史持庫 丹鉛總錄左傳同官為察文選注察小總也 升卷外集果恩花帯總也 韻會應廣絲恩也

皆達照毛髮不得搬馬 觀皆高十六七丈以雲母著總裏日曜之燒燒有光輝 古人牕 有臨高凌雲宣曲廣壁関風萬世修齡總章聽訟凡九 武故事西王母降東方朔於朱鳥牖中窺之 事帝起神屋有雲母總珊瑚總 西京雜記趙昭儀所居昭陽殿總扉多是綠琉璃亦 過素論陳涉甕牖繩櫃注瓦甕為總也 世說消奮畏風在武帝琉璃 陸機洛陽地記宫中 漢武故

韓熙載家過縱姬侍第側建橫總絡以絲繩為觀覘之 而喘 中書後閣糊總用桃花紙塗以冰油取明也 總內坐實密似鍊舊有疑帝問之答曰臣猶吳牛見月 多定匹库全書 地初惟市物後或調戲贈與所欲如意時人目為自在 望金鋪玉觀輝映溢目號為閃電總 出流光照曜 服日記部先生竞夫雅於所居作便坐曰安樂窩 鄰中記西臺高十六七丈上作銅鳳應日之,初 南部煙花記煬帝觀書處隐戶玲瓏相 風池編楊炎在 清異錄

邊欄楯也 西都賦曰伏橋檻而俯聽薛綜曰橋臺上欄也為軒 虚賦云宛虹拖於楯軒注云楯軒軒之蘭版也張平子 重襟欄楯下有重欄處也 漢袁益傳百金之子不騎衛注如淳曰騎倚也衡樓 两傍開牕曰日月牖 人多巧藝善治宫室門楹哈雕文刻鏤牕牖綴以瑟瑟 欄檻 史記建章官後閣重樂中有物狀似麋注 各文老京 優縣談餘賽瑪爾堪 古罽廣地 演繁露欄檻之版為崩子 | 千五

一致定匹库全書 考階際木勾欄曰欄杆亦作闌干益闌干以横斜為義 漢書開入宫禁字多作草下開則藥欄作藥蘭尤分明 勾欄木縱横為之故曰闌干以木為之故字從木 貧民蘇林注云以竹繩連綿為禁藥使人不得往來爾 濟翁資服錄今園庭中藥欄欄即樂藥即欄猶言園接 可以限隔高下故名之為欄是皆開干之開也 不知其由非之矣按漢宣帝詔曰池樂未御幸者假與 非花藥之欄也有不悟者以為藤架流圖堪作切對是 名義

注軒檻開版也 飾以金珠牙翠有一對直數千者 七月七夕城市悉以雕木無裝欄坐或用紅碧紗籠或 蒙蔽欄檻置惜春御史掌之號曰括香 易悟也按漢語池樂非樂 何為應即毁之 作鬭鴨欄頗施小巧陸遜正色曰君侯勤覽經典用此 一級日盤横日楯 漢朱雲傅雲樂殿檻師古注檻軒前 玉塵錄穆宗每宫中花香則以重頂 漢史丹傳天子自臨軒檻上師古 吳志建昌侯孫應於堂前 玉逸楚辭注檻楯 夢華錄京師

大三日年人二日

格致鏡原

水檻也 邢昺爾雅疏屋檐一 寶遺事楊國忠子弟每春至之時求名花異木植于檻 目前而便即歡賞目之為移春檻 b 以板為底以木為輪使人牽之自轉所至之處檻在 簷 班便仔賦房權虚分風冷冷注權流檻也 甘泉賦據幹軒而周流分注幹軒謂前軒 附廊 雷 名楠一名屋相又名字皆屋之四 鐵馬 與櫺同 卷二十

シラモご

廊也 重堂殿梁檐皆以七蜜飾之 復有板檐免風雨壞壁 重較重棼中師古曰重棼即今之府舎也一邊虚為 てにりる から)檐同 子虚賦步櫚周流注步櫚言其下可行步即今步 答 漢張敬傅得之殿屋重縣中注蘇林日縣樣也 事物紅珠榮屋翼梠两頭起者 禮明堂位復廟重檐注復廟上下重屋也檐 方言屋相謂之禮郭注雀相即屋檐亦曰 格致鏡原 千虚賦暴於南榮注榮屋南 西域記西域

產於函德殿銅池中顏師古注銅池承雷也以銅為之 多くし 雷 謂之巖 廣者也 楹可以乘馬而行 屋也 試義訓曰屋垂謂之宇宇下謂之無步檐謂之廊峻廊 席上腐談古之承雷以木為之用行水即今之永落。 逸雅雷流也水從屋上流下也 Tī 古今事物考走馬廊自泰有之謂房外出簷 漢實嬰傳陳康無下注郁堂下周屋也無門 周書作維五宮明堂咸有重廊 漢宣帝紀金艺 演繁露李

答馬 to 代今之鐵馬是其遺制 因風相擊聽之與竹無異民間效之不敢用龍以什 不能寢帝為作簿玉龍數十枚以縷線懸於簷外夜中 風琴風筝皆因風動成音自諸宫商 堯之土 指三尺 堦 **尝窓私志元帝** 尚書舞干羽於两堦 烙致镜原 時臨池觀竹既枯后每思其響 丹鉛總録古く 殿閣簷稜間 周書夾

於明光殿省中以丹朱漆地故曰丹墀尚書伏其下 金定四庫全 無陸也左城右平者以文博相亞次城者為階級也九 猶有古制 两婚兒 錫之禮納陛以登謂受此陛以上 于两階是也至秦時中為角道亢然自尊今佛寺道觀 右為實增左為阼階天子之尊亦惟两階書曰舞干羽 漢書注丹墀上之皆曰螭頭 升菴外集古者堂之前無指惟左右該两指 擊處決疑要注凡大殿乃有胜堂則有陷 卷二十 漢官儀尚書奏事 王仁裕入洛記含

為蓮花形無壓頂横石其上一大層者每小級固皆有 殿階旁上而玉階正在道中階凡三大層每層又自疏 高五尺許蓮花石頂亦存階兩面龍尾道各上六七十 螭頭東西鱗次而排一一皆存猶不傾墊第二三級各 元殿玉階三級其第一級可高二大許每間引出一 欄欄柱頂更有横石通亘壓之而刻其端為螭首溢出 為小級其下二大層两旁雖皆該扶欄欄柱之上但刻 步方達第一級皆花磚微有虧損 ころこつ ここう 格致鏡原 演繁露龍尾道夾 一十九

古今注果風伏思也入朝行至内屏思惟故曰果恩 各以形製名也 之飾和以脂膠久而不變有水雲白雪浪花玉鱗墀等 金红四屋人 壟起雜事陽山產白堪膩滑精細張士誠取之作指 靣 藻林釦砌以玉飾階砌也見文選 宅磨文石為階砌著吉莫難者行則仰仆 界恩 漢武故事玉堂去地十二丈基階皆用玉也 朝野愈載宗楚客 楊儀

恩曰使人無後思漢也 演繁露果恩云者刺鏤物象 義取臣朝君至果思下而復思至王莽劚去漢陵之果 之廟飾也鄭注屏謂之樹今浮思也刻之為雲氣蟲獸 未央宫東闕果恩災師古注果恩謂連關曲閣也以覆 重刻垣墉之處其形景恩然一曰屏也 禮疏屏天子 闕殿舍皆有馬如今郡國廳前亦樹之也 中華古今注漢西京果恩合板為之亦築土為之每門 如今關上之為矣 演繁露漢人釋果為複釋思為思 漢文帝紀

スハンコミン /1 Lin 1 格政统原

總产之間網也 為其門果恩而在屏則為其屏果恩覆諸官寢闕閣之 著之板上取其疏通連綴之狀而果愚然故曰浮思也 果恩也至其不用合板鏤刻而結網代之以蒙冒户牖 形果浮也恩絲也謂纖絲之文輕疏浮虛之貌益宫殿 使蟲雀不得穿入則别名絲網 上則為其闕之果愚非其別有一物元無附著而獨名 以此刻鏤施於廟屏則其屏為疏屏施諸宫禁之門則 杜實大業雜記乾陽殿南軒垂以朱 蘇鴞演義果恩字象

金子四屋と

之遇視朝則捲朝罷後設此即果思之遺制唐文宗甘 絲網絡下不至地七尺以防飛鳥 えこう 日かい 果恩畫捲此皆可證若屏與曲閣則字不當從四义岂 露之變出殿北門裂斷果恩而去温庭筠補陳武帝書 之字義亦不合今宫殿檐拱之間有銅絲網以避飛鳥 博雅謂之屏顏師古曰連關曲閣也二說往嘗疑之求 初疑即此亦未是後見夏月以黃絲為網自檐及階張 可裂斷可捲耶釋文請事被思之說為尤謬 格致鏡原 周祈名義考果思

金罗四屋人 夢華錄官司於御廊立黑泰权子路心立朱泰权子 若今之御道設三木中聯之交互樹中路不令人妄入 禮謂之桂極今官府前又子是也 木横中两木互穿以成四角施之於門以為約禁也周 周禮天官掌舍設性極再重又王會同之舍設性極注 演繁露晉魏以後官至貴品其門得施行馬行馬者 留青日札桂植即官府門首拒馬叉子也 名義考今制朝門

謂鹿角义即古之行馬也魏文帝拜楊彪光禄大夫令 紀從胡客大校雅師古注校謂以木自相貫穿為闡於 **筑離離也青徐曰椐椐居也居於中也** 文柴垣曰她木垣曰栖南土悉以竹為之斜織者謂 爾雅樊藩也郭注藩離也 及公府以衡木為斜好別以木交錯穿之樹于門外俗 施行馬晉孝武置檢校御史知行馬外事 逸雅籬離也以柴竹作之 名義考通俗 漢成帝

動定匹庫全書 **酸作請免駿官**新與 材木乃課種榆為雜 **青注槍桑作木槍相異為柵也** 行城東見新立屋間新花障二十大推問是少府夏侯 巴飛地地本作籬 藩籬也 織新花以自供 魏志鄭渾為魏郡太守課百姓之 司馬相如賦木擁槍栗以為儲 傅成刻夏侯駿文令史張濟案 詞林海錯裴潛為尚書令妻子 范元實詩眼儲骨軍

等棚 荆楚歲時記東京富家七夕結終錦為乞巧棚 古注令辟廐甎也令音零辟避歷反 注啟報也今江東呼級爱 古史考夏后氏時鳥曹作磚同 終為涼棚名名妓閒坐名曰避暑會 潘樓街南有大小勾蘭五十餘座有蓮花牡丹夜叉 磚 開元遺事唐時長安富人於林亭內植畫柱結 漢尹賞傅致令辟為郭師 爾雅纸敵謂之襞郭 婆華

塼道冬中日及五專為入直之候李程性懶好晚入恒 甕之狀誤矣 貧士傅扈累字伯重嘉平中獨居道側 魔魔 甄也詩中唐有魔謂廟中路 歌也今繪圖者作抱 **博為城重門樓閣** 以廐甎為障施一廚床食宿其中 南史狼牙修國累 尺内外一洗而發去之 永新志譚節婦趙氏被元兵! 先築宅于盧發皆用專歲夏大雨閘門及實皆積水數 ハ博乃至泉呼為ハ博學士 後山設叢光禄李卿 李肇翰林志內朝北廳前指有花

銀定匹庫全書

當于市或取以為硯清潤細膩可愛余當得片磚為好 意謂必審藏遂于中夜掘之得一井磚片長六七寸兩 首各有方竅相入兩面皆有手掌紋極細宛然可見不 夏旱湖間可以通軌有魚舟夜儀水滸遙見有光燭人 これして シュー 知此磚始於何時竊意當時陶人手法為之耳兒童爭 狀或磨以沙石不滅又煅以火益顯 併其子殺之血清禮殿間い磚上宛然一婦人抱嬰兒 格古要論琴卓面用郭公磚最佳當見郭公 格玫镜原 括異志庚子歲 主

金字四尺人言 其葬之速也不能刻石乃得金谷古敷以丹為隸書約 泥水中者絕佳磚長五尺間 磚灰白色中空面上有象眼花紋相傳云出河南鄭 祖問要作甚麼讓日欲得成鏡祖云磨磚豈得成鏡讓 有清聲冷冷可愛 日磨磚既不成鏡坐禪豈得作佛耶 語錄南嶽懷讓禪師 太平清話宋開封張堯夫墓銘以 巻ニナ 尺有餘此磚駕琴撫之 日在馬祖举前磨磚

神屋以銅為瓦漆其外 武五子傅以屋版五覆注版五大五也 **纸牝瓦仰葢者仰瓦受覆瓦之流所謂五溝也** 注吕氏曰陶者為瓦必圓而割分之則死合之則圓而 商王無道使兆人入地千丈求青堅之土以作五 不失其五之質 修類景淘五之泥曰坏細泥也 古史考夏后時昆吾氏作五以代茅淡之始 事物組珠瓦獸屋上獸頭 各段淹原 道山清話世傳銅爵五驗之 禮儒行毀方而五合 漢武故事起 ミナゼ 六書故 洞冥記

恩傾一 皆用回青瓦亦清陽玉葉之類 而偽 朝以文德殿為正衙元以大明殿為正衙有延春閣俱 折木墜堂上不損視之五皆堅木也 有三錫花雷斧解疵三者是也然皆風雨彫鐫不可得 王禁清陽色也玉紫亦五之類今大享殿及園丘闌干 時奪幸嗣立宅以廣其居後復歸幸氏因大風 穀山筆塵唐時明堂制度其宇上園覆以清 五色線為為見魏志魏文帝夢两瓦落地為 明皇雜錄號國夫人 孟熙霏雪錄宋

戴定匹厚全書

表 二: 十.

燒山土為瓦皆黃色郡人以海風能飛及奏請用筒瓦 **藝婆賄加盧國廚覆銀瓦** 五扶南以大等禁為瓦拔悉彌以樺皮為瓦選羅以< 有琉璃瓦飾營脊 C. C. C. C. C. 民居皆儼似黄屋 工破之割去其節用代陶瓦 王縉傅五臺山祠鑄銅為五金塗之 乳六帖楊於陵出為嶺南節度使教民陶五 吳外國傅大秦國王宫殿水品為 王禹衛竹樓記黃岡之地多竹竹 格致随原 夷事界三佛齊以柳紫為 王世懋関部疏泉漳間 主 乳六帖南

藥者細花如海常萱草者皆有枝葉以紙搨之無異石 氣遂隔驚敲響令辨之一無差該 宗常今陶人應二十四氣燒五二十四片各題識其節 金丁巴尼生言 人家五上冰成花每五一枝如折枝有大花似牡丹芍 以紙摹之其家尚餘數幅 郎子融言天聖中青州盛冬濃霜屋无皆成百花之狀 易蒲屋以絕火患 王曾筆錄實侍郎嚴善聽聲音世 酉陽雜俎析士王瓊取一五片畫作龜甲懷之少! 卷二十 夢溪筆談宋元豊末秀州 春明退朝錄王侍

睹勝各飛塘塘七和切或云起於堯民之擊壤 若今之打瓦也梅都官禁烟詩窈窕踏歌相把袂輕浮 縣有墨石山神祠頗靈祠前有两五子過客投之以 丹淹泥塗殿上也 物原禹作土墼石發 項出置地成真龜經數日成五 丹鉛總錄宋世寒食有抛情之戲兒童飛瓦石為戲 7 附諸物 事物原始扁署也署門户之文曰 漢書梅福仍涉赤墀之塗注以 南部新書西京壽安 ニナヒ

梁也 戒卷漫筆今人大廳五間之前重置屋者俗名 懸魚者博風板合尖下所垂之物也瓦獸者即瓦上獸 左右關建以五色門有銀榜以青碧鏤題 事物原始 動定匹库全语 抽心舍懸魚瓦獸乳梁重拱者即令之壘拱也藻井者 唐制王公以下不得施重拱藻并非常察之官不得用 頭及轉角飛仙海馬之類也乳梁者即壓槽方上之短 乃天花板井口内畫以水藻者也抽心舍者乃穿廊也 扁今時獎勸之扁即此 東方朔十洲記東明山有宫

1 OLL 17 1910 (17) 名曰桓表縣所治夾两邊各一桓陳宋之俗言桓聲如 土四方上有屋屋上有柱出高丈餘有大板貫柱四出 童供待宜列於此耳 畏寒惟撲水少低乃作卧室或又作撲處謂廳上待客 西方之庭為商庭 注如淳曰商中商庭也師古曰商金也於序在秋故謂 又作屋翼剝風板老學卷筆記云蔡京賜第宏敞老疾 五廳三泊暑謂可障散炎熱也夷堅志低撲水撲風板 漢書注舊亭傅於四角面百步祭 格致鏡原 玉海堂下至門謂之庭 漢書

格致鏡原卷二十		和今循謂之和表即華表也
		也十
	.	